



YAHYA dan Kamaruzaman melepaskan udang ternakan ke dalam sungai.

Gesaan lebih banyak institusi pendidikan diwujudkan di Putatan

DE 24.04.2012 6

Rini Zahlifah Ismail

PUTATAN: Timbalan Ketua Menteri, Datuk Yahya Hussin menggesa supaya lebih banyak institusi pendidikan diwujudkan di Putatan disebabkan kedudukannya yang hampir dengan pusat bandaraya.

“Jangan hanya fokus kepada Sepanggar sebagai hab pendidikan,” katanya di program ‘peningkatan stok perikanan untuk kebajikan masyarakat tempatan’ (Fasa 1 – berladang ternak udang di sungai Petagas) di dewan serbaguna Kg Muhibbah di sini, Isnin.

Yahya dan Naib Canselor Universiti Malaysia Sabah (UMS) Prof Datuk Dr Kamaruzaman Hj Ampon melepaskan 4,000 hingga 5,000 anak udang ke sungai itu di mana penyelidikan dikendalikan sebelum operasi berladang ternak itu dilakukan.

“Kita harus melihat kepada Jepun dan contoh bagaimana mereka menjaga kebersihan sungai dan laut mereka dengan begitu baik sekali,” kata Yahya dan menambah, sesuatu harus dilakukan berhubung pencemaran air di sungai Petagas.

Pegawai daerah Putatan Awang Abd Ghani Pg Yusoff mencadangkan supaya perangkap air digunakan untuk mengurangkan pencemaran dan juga berkata, sekiranya kebersihan di situ dikekalkan, kawasan tersebut boleh dijadikan tarikan pelancong di mana bot-bot boleh diubah menjadi teksi air seperti di Thailand serta membantu menarik lebih ramai orang datang ke kawasan tersebut.

Sementara itu, Yahya memuji usaha UMS dalam meningkatkan stok udang.

“Stok udang berkurangan secara drastik dan langkah drastik perlu diambil untuk membantu nelayan yang sudah tidak lagi memperoleh tangkapan sebanyak sebelumnya.

Pertambahan stok dan pelepasan anak udang itu adalah satu cara baharu dalam pengurusan perikanan. Kaedah ini telah dilakukan secara percubaan untuk menguji peranannya dalam pembangunan industri berkenaan.”

“Dalam konteks ini, saya mengalu-alukan inisiatif UMS. Nelayan bakal mendapat manfaat daripada program ini kerana populasi ikan akan bertambah. Jika ini di lakukan dengan betul dan hasilnya seperti yang dihasratkan, kebajikan rakyat akan terbelah.”

Kamaruzaman berkata, projek itu dijangka mendatangkan afaedah berganda yang termasuk memotivasikan orang ramai untuk menjaga ekosistem.

“Apabila orang ramai nampak manfaat diperoleh daripada sungai dan laut kita, mereka akan lebih terdorong untuk melindungi alam sekitar yang menawarkan sumber makanan kepada mereka.”

“Jelas, ladang ternak udang yang kita usaha hari ini bukan setakat untuk meningkatkan tangkapan tetapi juga untuk menambahbaik ekosistem sungai dan laut di mana air sungai mengalir keluar.”

“Mengawal pencemaran sungai-sungai penting untuk mengurangkan pencemaran laut. Ini akan menyokong biodiversiti serta meningkatkan kualiti dan kuantiti tuaian hasil laut,” tambahnya.